

Ir die Verordneten vnd

Einnemer/der vier Stänndt/Preläten/Herzen/Ritterschafft/Stett/vnnd Märckht/gemainer Landtschafft des Erzherzogthumbs Osterreich/vnnder der Enns. Embietten den Hochwirdigen Fürsten/Erwirdigen/Wolgebornen/Gestrenngen/Edlen Vessen/Fürsichtigen vnnd Erbern weisen/Vnnsern gnedigen freundtlichen vnnd günstigen Herzen/vnnd gueten freundten/n/Allen vnnd yedlichen Fürsten/Preläten/vnnd Briesterschafftten/Graven/Freyen/Herzen/Rittern/Edlen/Steten vnnd Märckhten/gemelts Erzherzogthumbs Osterreich/Vnser guetwillig dienst/Freundschaft vnd gueten willen zūvor.

Ermanung des Anfanns.

Vnns zweifelt nit/Ir alle/vnd sonderlich die/so auff yetz jüngst zwayen gehalten Landtāgen/Nemblichen dem ersten/den Vierundzwanzigsten tag Nouembri/verschinnens Sechshunddreissigsten/vnnd dem andern/des Sonntag Innocaut/diz gegenwürtigen/Sibenunddreissigsten jarn/hie zū Wienn gewest/seyt ingedenckh/Auch yr die andern/so gleichwol abwesendt beliben/seyt bericht/vnd wissent/ Der Römischen Hungarischen/vnnd Behaimischen Khüniglichen Mayestat/Erzherzogen zū Osterreich zc. Vnnsers alleredigisten Herren vnnd Landtsfürsten/tressenliche fürtrāg/ So ansenglich/im ersten Landtag/der sechsjährigen hilff wegen/Nachmals vnnd zwischen bestimbten zwayen Landtāgen/gegen der Fünff Uiderösterreichischen Erblannden vnnd der Fürstlichen Grasschafft Görz/besamelt/Ausschüssen vñ gesandten/Vnnd zū lest im andern Landtag/gegen ainer Ersamen Landtschafft/alles hie beschehen/vnd was hochgedachter Khü. May. darauff vnd entgegen in der Sechsjährigen hilff/auch zū Christenlicher not/Kettung vnnd fürsehung/diz Landts/wider den Türckhen ain Anzal kriegsfolckh/zū Ros vnnd Fnessen/auffzurichten vnd zūhalten/bewilligt vnd entschlossen worden/inhalt vnnd nachuermügen/ aller bewilligung/Weliches ain yeden vmb merer erjnderung willen/souil disem Erzherzogthumb Osterreich gebürt/ain thurzer begriff/hernach gestelt.

Bewilligung der Sechsjährigen hülffen.

Anfancklichen/der Römischen Küniglichen Mayestat zc. dises

als des ersten jars/der bestimbtten Sechsjährigen hilff/ Zwainzig
Tausent Gulden/vnnd vnser allergenedigisten Frawen/der K^o.
Khünigin/züuererung drey tausent gulden Reimisch/ain mal.

Anzal ditz Lanndts Kriegsvolckh zū iKof vnnd Suessen.

Item geringe Pherdt/Sechshundert/Sechsendsechzig/Acht
halb Monatlang zūhaltē/die schon abgenertigt/vñ im anzug sein.

Item gerüßte Pherdt zwayhundert/Sibenundsechzig.

Item Fuesknecht Vierhundert.

Item Halbhagken schützen/zwayhundert Sibenundsechzig.

Item Martolosen Söldt/Sibenundsechzig.

So alles Gerüßte Pherdt/Fuesknecht/Halbhagkhn schützen/
vnnd Martolosen/Sechs Monatlang/gehalten vnnd versöldt
werden/vnd auff den ersten tag May/schieristkumbendt/ anziehen
sollen.

Zūbezallung solher bewilligten vnd zūgesagten Summa vnd vn
derhaltung des kriegsvolcks/sol ain yeder von seiner Gült/so im
Lanndt/Bey den inn/vnd auslendigen/niembt hierjnn ausgeschlos
sen/verhanden/auffrecht/vnd wider gestift ist/sein Annslag/Wie
hernach in disem/vñ aines yede General eigentlich begriffen/gebē.

Darein vnd zūhilff Vber der Stett vnnd Märckht ge
pürunden tail/die nachuolgunden Annsleg/mit der Römischē K^o.
Mayestat zc. gnedigisten bewilligung gezogen vñ gelait seinn.

Nemblich von allen Bristerschafftē vnd Geyslichen/so in ditz
Lanndts Annslegen mit begriffen/vnd ausser der Kh^o. May. Vogt
theyen/vnd Pharen sein/je von ain Gulden irer jährlichen eintho
men/besöldung vnnd nuzung ain kreuzer/vnnd von allen Annas
ten/Absendtn/Pensionen vnd Refusionen/so von den mit incorpu
rierten Pfarren/vnd Beneficien/jinner vnd ausser yedes Lanndst
geen vnd geben werden/den halben thail derselben(aufgeschlossen
Küniglicher Maie. Ordinari hofgesindt)zū diser gemainen hilff
raichen sollen.

Profissioner/Procuratores/vnnd annder dergleichen Personē / so nit khaufleüt sein/sollen von ain jeden Gulden/jrer jährlichen profission/ vnnd verdienen/ain kreüzer bezallen.

Das all dienstpersonen/so vmb besoldung diennen (auffer der Herren vnnd Landtleüt geraisig knecht) von yedem Gulden/jrer besoldung ain kreüzer.

All ledig vnuerdingt Handtwercher vnnd Tagwercher / so wochenlich vnnder zwainzig kreüzer verdienn/die sollen wochenlich ain phenning/welch aber von Zwainzig / bis in Dreißig kreüzer wochenlon haben /Zwen phenning/vnd die so darüber besoldt werden/ain kreüzer/ Aber die vnangefessen Handtwercher/ so stuckhwerch arbeitenn/sollen als offt/von ain schilling jres verdienens ain phenning geben.

Das von allen Werchleütten/als Maurern/Zimerleütten /vnd andern/so im gedingg arbeitenn von ain Gulden des gedings / vnd verdienens/ ain kreüzer genomen werde/Aber ire vnuerdingtē diener solle wochenlich ain phenning geben/vnd die so gedingt sein/ von jedem gulden ain kreüzer.

Alles gmain volckh/in Stetten Marchen/vñ auff dem Landt/ Man vnnd Weybgeschlecht/so ledig vnnd nit angefessen/vnnd die vmb khauf besoldung dienn/Auch in den oberuertten anschlegen nit begriffen/vnnd vber Zwölff Jar allt sein/der jedes soll ain wochen zwen phenning geben /vnnd zu Quottember zeytten eingezogen werden/Aber der Paurfman sein Weib vnd khandt/vnnd die so allain vmb prot/vnnd khauf besoldung diennen/sollen hierinnen aufgeschlossen sein.

Welch ledig Knecht/vnnd annder ledig Man oder Weibspersonen so nit angefessen/ aber inwoner vnd züherberg sein/ vnd dennoch grundt vnd ligunt güetter haben/die sollen von solchen jren gründten/von jedem Gulden wert/zwen kreüzer raichen.

Auslendisch vnnd inlendisch Kaufleüt/so nicht angefessen Burger sein/defgleichen die Gesellschaffter/sollen nach dem wert angeschlagen/vnnd alweg vom Gulden wert /ain kreüzer / von inen genomen werden.

Die so in Stetten vnd Märkten frey sitzen/vnnd mit Burger
sein/Als zum thail Kü.Mai. Officier vnnd diener/sollen auch bil-
lich mitleydig sein/vnnd darumbē von irem vermüge/albeg vom
Gulden ain kreuzer geben.

Besondere Rüstung vnd Ordnung zu aim An/vnd zuezug zu roß vnd Fuels: auch des gemainen Manns im Ländt.

Verrer ain Rüstung / zu aim zuezug im Lanndt/von hundert
phundt gellts/ain gerüsst Phardt/so es von nöten / zway Monat/
lang zühaltten.

Daneben die Stett vnnd Märcht / als der viert Stanndt / zu
angezaigten zuezug für ain Phardt/zwen Fuestnecht / leben vnd
versölden.

Darzuēfür vnnd aus dem gemainen Man/oder wo der yedwe-
der in Stet vnd Märkten auff bracht werden mag/Auch zu sol-
hem zuezug fürgenomben/das von Dreüßig/ ain teüglliche vnd be-
werte Person/geschickt vnd von denselben vnnderhalten/ vnd ver-
söldt werden solle/Itemlich aim ain tag Fünff kreuzer/vnnd aim
so mit harnesch gerüsst/Acht kreuzer/geben/damit der also in Sā-
ma zway Tausent/guet vnnd bewert/geordent vnd aufgeschossen
werden.

In solchen An/vnd zuezug der Rüstung/von hundert
Phundt gellts/ain gerüsst Pherdt/die so theüß auf widerkeüß/auf
anligunden stugken/vnd güettern haben das dieselben als annder
Lanndtleüt jr Erbgült nach herren Anslag einlegen/vnd von dem
selben/albeg von ain hundert phundt phenning ain gerüsst Pherdt
dergleichen das in denselben Urbarn aus dem gemainen Man/die
teüglichisten auch aufklaubt/vnd in die anzal/ainer Lanntschaft
neben den vorbestimbten zwaytausent bewilligten/anzaigen vnnd
schicken. Welche aber ire theüß vnnd phannschilling nit auf an-
ligunden stugken/sonnder allain ain verzinsung haben/das diesels-
ben albeg von zwayhundert phundt phenning zinsgelt/ auch wie
obgemelt ain gerüsst Pherdt/wie annder Lanndtleüt/zum züueg
halten/vnd die bed nicht weniger zu vnnderhaltung des Kriegs/
folckh zum anzug aus aigem Segkl/alles das geben/wie annder

Lanndtleüt/von iren Erbgüetern thuen.

Vnd noch die Phannndtschaffter/so thain Vrbarssteuer geben/noch in Steuern vnd hilffen kein mitleyden tragen/das dieselben in diser hilff/von solchen iren güettern vnd genies/das thuen/auch wie ander Lanndtleüt.

Vnnd damit zwischen der Künigklichen Mayestat zc. Vrbarsleütten/so vnnder den Phannndtschafftern vnd sonnst gefessen/auch derselben gehalten/vnd diennstuolckh/vnd der Lanndtschafft armen leüte/vnd vnnderthanen/thain irung vnd vnwillen entsteet/das demnach die selben Vrbarsleüt ire gehalten/vnnd annder in massen/hievor in Artigkln der gemainen anlag gemelt/Auch angeslagen vnnd gehalten werden.

Das auch auff die inwoner vnd Auslender/so geltzins in Landen haben/vnnd derselben vber die gewondlich verzinsung wol genieffen/als offt ainer zweyhundert Phundt phenning/Zynßgelt auffzühoben hat/der solle mit der Lanndt hilff/zum zuezug/ain gerüst Pherdt/vnnderhalten/vnnd vom Gulden Zynßgelt darzue ain kreuzer geben.

Vnnd das solche der Phannndtschaffter/vnnd deren/so wie yetz gemelt zynß haben/hilffen/vnnder iren hanndtschriefften vnd Peditzschaden/wie annder Lanndtleüt thuen/angesagt vnnd eingelegt werden.

Zu bezallung der Anslag/Ermanung vnd beuelch.

Auff das alles Ermanen/wir Ew alle vnnd ainen yeden in sonnderhait in namen Gemainer Lanndtschafft/Ernstlich beuelhent/das Ir zu hertzen nembt vñ betracht vnser thünffrigen sorgen vnd lastts/Dar auff gemainer Lanndtschafft ainhelligen beschluß/bewilligung vnd zuesagen/vnd dasselb(Wie Vns allen wol ansteet)treulich vnd redlich züvolziehen/Ewr yeder vnd yede/in was Stat oder wesens die sein/seinen tail/benäntlich jr zübezallung/der Drey undzwainzig Tausent gulden/der Ersten Sechsjährigen hilff/vnd Pergelts/Auch zü vnnderhaltung erzeltz Kriegsfolckh vnnd derselben notturfften.

zu zweyen fristen/Nämlich auf Georgi/halben tail/vnd zu völli-
ger bezallung/den andern halben tail/auf Jacobi des heiligen
zwelfpoten/darnach/negstkhünfftig/in parem Gellt vnnnd grober
Münß/zü vnsern handden/in gomainer Landtschafft khaßten/
on weitem verzug(den die leüß vnd gestalt der sachen nit erleiden
mögen) gegen gepürlichen Quittungen/erleget vnd bezallet. Des
gleichen von den Geistlichen vnd Weltlichen personnen/vnd allen
andern/wie vorstet/souil jnnen gezymbt antwurtet.

Vnd hieneßen bringet Ewr Anschlag in vorbestimbt Rüstung
zu dem Zuezug/auff zwey Monat lanng nach Ewrn einlegen/

Beneñung des Musterplatz zu dē Zuezug.

Mit solher Rüstung/welket Ew also zu der Musterung/berait
machen/vnd vierzehnen tag vor Phingsten/in Ewr viertl
gewiß fertigen/beschreiben lassen/vnd damit an-
haim/weiters beschaidts zu dem auffpot/erwarten/vnnnd die vn-
derhalten/ Vnd Ir oder die/so solcher Rüstung vnstathafft/oder
sich der Einleg nach/nit so weit erstreckht/Das gellt/souil der Gült
gemäß/vnnnd ain angeschlagen/sambt dem Wartgelt/auff den
Sonntag Quasimodogeniti/das ist der Acht tag Aprillis/auch
vnns gestrachs/vnnnd onuerzug/raich vnnnd bezalle/dardurch ann-
dere Pherdt/auffgenommen/Die annzal zeytlich erstat vnnnd gehal-
ten werden.

Darzu der zwayer Tausent/gemain Mans/zuzugs oder Auf-
pots halber/das yr vnnnd ain yeder/yez gestrachs/Bey sein vnnnder-
thanen/vnnnd holden/Ordnung gebet/das dieselben all/wie vorge-
melt/aufgeschossen/nach notturfften bewert vnnnd berait/auch zu
bestimbtter ze yt/den Phingsten/durch ire fürgesetzte Hauptleüt/ge-
mustert vnnnd in schrift verzeichent werden.

Dergleichen die Stett vnnnd Märckht/mit irem Fuesfolckh/al-
beg zwey Knecht/für ain gerüßte Pherdt zu halten/sich fürsehen
vnnnd in solch Musterung schicken vnnnd richten.

Beschlus obbegriffner beuelch.

Das alles haben Wir Ew nach vermügen/des Abschiedts/von

oberirten Landtäggen / vnnnd der Ausschis vnnnd Gesanndten
handlungen / verthünden sollen.

Beschlieslich Ernnstlich vnnnd güetlich ermannt / das Ir Ew/
in obgeschriben bewilligten zuesagen / sachen vnnnd Artigkln allen/
gehorsamb guetwillig vnnnd fürderlich haltet vnd erzayget / Dann
wo solchs nit beschehen / vnnnd bey Ewr aim / oder merern verzug/
oder vngehorsamb / befunden / Denselben wurdet schaden vnd straf
des guets / vnnnd wo die nit angesehen werden / oder würcken wolt /
Auch annderer gestalt / nach der maß / ainer Landtschaft Instru-
ction volgen / Die wir geren vmbgeen wellen / Ew damit alle sache
in diennstlichen freuntlichen guetten willen / trewlich vnnnd fleys-
sig beuelhendt.

Auch Ir / vnnnd Ewr yeder / welchem vor seine güetter in
Türckhen zügen / oder annder gestalt / verderbt vnnnd verödt ge-
west / widerumb gestift vnnnd die frey Jar aus weren / vnnnd dienst-
per sein / wellen dieselben von newem einlegen / vnnnd auch versteu-
ren / Damit dieselben zu ainer Landtschaft handden einzüziehen
nit not werde. Datum Wienn den Ersten tag Marcij. An-
no 76. im Sibennunddreüßigsten.

Vnnnd welch Ainer Ersamen gemainen Landtschaft / mit
gerüsten Phärdten zu dem An / vnnnd zuezug innhalt der bewilli-
gung / Zway Monatlang / dienen wellen / den darauff wartgelle
geraicht wurdet / Sollen sich mit namen vnnnd der Anzal / gemainer
Landtschaft Secretarien Balthasern Knorrn im Landthaus
schrifflich anzaygen.

Faint, illegible text at the top of the page, possibly a header or title.

First main block of faint, illegible text, appearing to be several lines of a letter or document.

Second main block of faint, illegible text, continuing the document's content.

Third main block of faint, illegible text, located in the lower half of the page.